

食飲清涼水我今亦可數彼擇軟草食飲清涼水時彼驢入羣牛中前脚跑土觸燒彼羣牛亦數羣牛鳴吼然不能改其聲我亦是牛我亦是牛然彼羣牛以角觸殺而捨之去此亦如是

若有一比丘不精進修惡法非沙門言是沙

門不修梵行言修梵行亦不多聞常懷邪見威儀不具足行步來往屈伸俯仰不解著衣持鉢不能延得衣被飲食牀卧具病瘦醫藥彼若見比丘精進修善法於沙門中成沙門行修梵行多聞博學而修善法威儀悉善行步來往屈伸俯仰著衣持鉢不失禮節得衣被飲食牀卧具病瘦醫藥時惡行比丘便作是念此衆多比丘精進修善法於沙門成沙門行於梵行成梵行威儀具足行步來往屈伸俯仰著衣持鉢皆悉備具是得衣被飲食牀卧具病瘦醫藥皆已備具我今可入彼衆中我亦當得衣被飲食牀卧具病瘦醫藥

時惡比丘修惡法無沙門行言是沙門無梵行言修梵行少聞有諸惡見使入彼衆多精進比丘所欲數彼威儀禮節行步來往屈伸俯仰著衣持鉢如彼微妙比丘精進修善法行步來往屈伸俯仰著衣持鉢便作是言我是沙門我是沙門時微妙比丘皆悉證知此

比丘不精進言精進非沙門言是沙門不修梵行言是梵行不多聞有諸邪見時諸微妙比丘便擯出界外汝速出去莫住我衆譬如彼羣牛志性調良駮出彼驢是故諸比丘非沙門行非婆羅門行當捨離之諸沙門善行及婆羅門善行當善諷誦持如是諸比丘當作是學尔時諸比丘聞佛所說歡喜奉行佛說羣牛譬經

佛說九橫經



九

後漢沙門 安世高譯
佛在舍衛國祇樹給孤獨園佛便告比丘有

九輩九因緣命未盡便橫死一者為不應飯
為飯二者為不量飯三者為不習飯飯四者
為不出生五者為止熟六者為不持戒七者
為近惡知識八者為入里不時不如法行九
者為可避不避如是為九因緣人命為橫盡
一不應飯者名為不可意飯亦為以飽腸不

停調二不重飯者名為不知節度多飯過足
飯三者不習飯者名為不知時冬夏為至他
國郡不知俗宜不能稍飯食未習故四不出
生者名為飯物未消復上飯不服藥吐下不
時消五為止熟者名為大便小便來時不即
時行噫吐噎下風來時制六不持戒者名為

犯五戒殺盜犯他人婦兩舌飲酒亦有餘戒
以犯便入縣官或絃死或捶杖利刃所斫刺
或辜飢渴而終或以得脫從怨家得手死或
驚怖念罪憂死七為近惡知識者名為惡知
識已作惡便及坐何以故坐不離惡知識故
不覺善惡不計惡知識惡能不思惡知識惡

八為入里不時者名為冥行亦里有諍時行
亦里有縣官長吏追捕不避不如法行者入
里妄入他家舍中妄見不可見妄聽不可聽
妄犯不可犯妄說不可說妄憂不可憂妄索
不可索九為可避不避者名為當避愆象愆
馬牛奔車虺虺坑井水火拔刀醉人惡人亦
餘若干惡如是為九因緣輩人命未盡當坐
是盡慧人當識當避是因緣以避乃得兩福
一者得長壽二者以長壽乃得聞道好語言亦
能行諸比丘歡喜受

十末

佛說九橫經

繫音牒愆音滅切奔音奔虺音虺許音鬼切